

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Conradi Samvelis Schvrzfleischii Opera historica politica

Schurzfleisch, Konrad Samuel

Berolini, 1599 [i.e. 1699]

LXVI. Additamenta De Iure Augusti It Italianam

urn:nbn:de:bsz:31-102564

rum necessitudine capiti suo coniunctos, et uno, qvod neminem excipit, Imperio comprehensos. Qvo loco numeroqve sunt cuncti duces et principes, qvos universa qvidem Langobardia habet, qvos Gallia Cisalpina et subalpina citra atqve ultra Padum includit, qvos Liguria et Etruria, non exclusis Genua et Luca urbibus, continet, qvos deniqve omnes regni Veteris Italici reliquiae trans Apenninum complectuntur. Magnum ergo decus, nostra memoria, ad Germaniam accesit, qvod LEOPOLDVS, instaurata per Italianam auctoritate, et recepto ad Padum castro Casalensi, regnum illud in obsequio confirmatum, ab externo dominatu liberavit, ac iure suo regio, qvod in Italia obtinet, usus est, et collationes belli Italici causa imperavit, *Xenia* antiquo, nec dum antiquato Imperatorum iure exegit, lites Principum Italiae diremit, negotia successionis, tutelae, legibus composuit, regionum et finium controversias decidit, deqve omnibus ad *regalia* pertinentibus more maiorum cognovit et indicavit, ac munere tam iuslo, qvam omnibus Augustis gloriose perfunditus, non modo nullum *dereicti* signum, sed nullam qvoque *darelinquendi* suspicionem praebuit, constituto per Italianam *fisci Imperialis Advocato*, ac demandatis Comiti Mediobarbo partibus, qvas pro fide sua, et dignitate publica sustineret, regniqve Italici clientelas, et partes earum atqve accessiones, ex superiorum temporum caligine in lucem revocaret, perqvireret, et summo Italiae iudici denunciaret: cuius rei, vindicatiqve Caesarei ultra Alpes et Apennium iuris monumentum Augusto aeternum apud posteros extabit, et omnes qvotqvt futuri sunt, successores admonebit, AVGVSTOS non minuere Imperium, sed augere, id qvod ante Leopoldum dixit, et simili exemplo comprobavit Fridericus IV. ex augusta Austriorum gente, Imperator.

LXVI. ADDITAMENTA DE IURE AVGVSTI IN ITALIAM.

Imunitas sive libertas, ut hodie vocant, ab oneribus, non eximit a summa imperii potestate, nec benigna privilegiorum concessio statim ius regum aufert, neqve omissione iuris iurandi fidelitatem protestenus et obsequium tollit, aut vinculum nexumqve beneficiarium solvit. Qvod in controversia Finariensi et Gentensi usu probatum et confirmatum est, cum Imperatores in iure suo insisterent, haud secus atqve in causa, Mantuana et Mutinensi factum esse recordamur. Igitur in concessionibus Imperatorum et Regum Italiae non est locus conjectuae pro simplici donatione,

Yyy yy 2

qvae

LXVI. IVS AVGVSTI IN ITALIAM.

qvae fraudi sit summo atque *directo dominio* Imperatoris, qvod semper exceptum intelligitur, cui derogare non potest, multo minus remittere obligacionem fidelitatis. Natura enim imperatorii dominii non finit, ut donatio temere praesumatur, in rebus praesertim ac iuribus, *vassallos ligios complectentibus*, qvod superiores Inreconsulti in Italia fateri necesse habuerunt. Qvare in formula pacti novissimi A. M DC XC. Augustae Taurinorum, inter Imperatorem, et Ducem Sabaudiae initi convenit, ut non solum dux ad foedus sincere servandum, sed etiam ad officium fidelis obedientisve Principis Imperatori praestandum se se obligaret. Exemplum iuris iurandi veteris hoc tale extat. *Ab hac hora in antea fidelis ero Imperatori per rectam fidem, secundum meum scire et posse.* Non ergo in consilio, ut vitam aut membra perdat, Italicum regnum, et suam regiam potestatem intra regnum adiutor ero secundum meum scire et posse ad tenendum et defendendum contra omnes homines, qui sibi tollere valuerunt. V. Veteri monumenta Sebastiani Tengnagel p. 380. Series Principum, lege beneficiaria Imperatori quae regi Italiae devinctorum, a Gurzveilero confecta, et non pridem *Io. Guilelmo Itero IC. edita*, atque in librum eius de feudis imperii relata est, cap. VI. p. 262. seq. Verum praeter clientelas in regno Italiae inclusas, et Imperatori iure fiduciario obstrictas, aliae sunt ultra Italiam, in Latio et terris patrimonii, quas nihilosecius Imperatores sibi vindicant, quarum nomine iam ab Henrico IV. Saliqui temporibus, Augusti Imperatores pro auctoritate sua, et iure Caesareo propugnarunt.

LXVII. DIVIS. IMPERII KAROLINI.

 Vod per Caroli M. tempora latissime patuit Francorum regnum, tamdiu firmiter stetit et floruit, dum ab uno regebatur. Sed postquam exemplo non utili divisum est, ivit in partes, et bella deinceps exorta sunt, quae non minus familiam, quam regnum illud confecerunt.

§. II. Omnino autem dubitare licet, utrum Carolus tenero erga filios affectui indulserit, an rationem habuerit veteris Merovingorum divisionis, superiori Pipinianae Gentis consuetudine repetitae, et proximo etiam Avi patrisque instituto confirmatae. Alterum iure inficior, alterum facile concedo, neque causam video, quamobrem excusari possit Carolus, si quidem dicere velimus, eum privata potius charitate, quam publicis exemplis eo fuisse inductum.

§. III. Vt-